


«Ina schanza unica»

Julian Cavigelli da Laax fa part dil team d'expediziun 2020-2022 dil CAS



Julian Cavigelli avon la staziun da Cuera, culla culissa dalla Svizra e dil Grischun.

FOTO AUGUSTIN BEELI

AUGUSTIN BEELI/FMR

■ El ei ambiziis e curaschus, ed ha la ruasseivladad duida. Ed el ei promts d'emprender. Quei ein qualitads che commembers dil team d'expediziun dil Club alpin svizzer drovan. Avon in onn ha Julian Cavigelli dumignau gl'examen. Ella revista «Alpen» ch'ei cumpardada dacuort han ins viu ina grappa da giuvens alpinists, oradem in giuven Romontsch. Gl'organ dil Club alpin svizzer (CAS) ha presentau il team d'expediziun

Sco da beiber aua

Da pign ensi ei Julian fascinaus dad ir per la pezza e dad esser ella natira. Il giuven da 23 onns ei vidlunder da realisar siu sie-mi. «La finamira ei schon guid da mun-togna», confirma el cuortamein. La FMR ha entupau el alla staziun da Cuera – e buca enzanua avon ina preitcrap. Il me-catronicher da pendicularas lavura dapi in onn a Lai. El s'auda tier la squadra che ha da garantir la segirtad dils implonts. Gl'emprendissadi ha Julian fatg tier l'Arena Alva a Laax. Siu temps liber ha el

dedicau alla passiun: ir per la pezza, rei-ver, esser giudora. Actualmein ein gis e fins d'jamna libras dedicai al team.

Ell'equipa 2020-2022 ei Julian il sulet Grischun. Tgi che vul far part dil team d'expediziun sto gia mussar prestazion: in ault livel el reiver ella preitrap ed el glatsch, cumprovar biaras turas aultas e dumignar sco da beiber aua la tecnica da sugars, strubas e carabiners. Tiel pli «nor-mal» s'auda secapescha la cundizion duida. Avon in onn ha Julian stuiu cumpro-var sias habilitads. El haveva viu ella televi-siun il team d'expediziun dil CAS e sur-

vegniu gust per quella finamira. El ha tam-mess l'annunzia culs mussaments, ei veg-nius ella selecziun finala ed ha giu d'ab-solver gl'examen final. Quel ei staus el Kiental el cantun Berna. Buca paucas e paucs denter 17 e 23 onns s'annunzian mintga treis onns, la finala recepescha il CAS mo sis giuvnas e sis giuvens. Duront treis onns han quels la pusseivladad da se-scolar e sesviluppar sco grappa. Finamira da tut ei in'expediziun el lontan, nua ch'ins arva ina ruta nova sin in cuolm.

Buca il pli ault pusseivel

Nua che l'equipa 2020-2022 va sa Julian Cavigelli aunc buca. Forsa sil Fitzroy el Chile? «Plitost en direcziun ost. Nus ha-vein aunc buca decidiu definitiv», ri-spunda el. La davosa equipa era stada el Pamir el sidvest da Kirgistan. La finami-ra ei perinagada buca dad ir sin in péz sur 8000 m s.m. Auters facturs ein pli relevants. La davosa fin d'jamna ein Julian e ses cumpogns stai ell'Engiadinaulta. A Puntrachigna sut la punt seigien els revi ella cascada schelada dil Flaz, raquenta il giuven alpinist da Laax. Il gi suenter ei la grappa dislocada el territori dil glatscher da Cambrena.

Excercitar e seconfruntar culs ele-ments e la natira s'audan tiel program. Spassegiadas eis ei perinagada buc, quels giuvens alpinists han autres miras. Julian raquenta d'in aspect che ha nuota meins muntada: Ei vegni dau gronda peisa era

2020-2022. Sper endisch auters han ins enconuschiu Julian Cavigelli da Laax.

Il team d'expediziun ei ina purschida per la generazion giuvna. Cun 160 000 commembers ei il CAS ina dallas gron-das organisaziuns dil temps liber en Sviza-ria. 1863, dus onns avon ch'igl Engles Edward Whimper ha contonschiu il Mat-terhorn, han ins fundau quel ad Olten. Territoris dallas empremas activitads eran Tödi e Clariden. Ils habitonts dalla Bassa miravan cun brama encunter la pezza e cul club nievfundau ein els s'avi-schinai a quella.

allas habilitads socialas. Enteifer la squa-dra drova ualvess enzatgi stauschs da moti-vaziun. Tuts domineschan tecnika, equipament, condizion e segirtad persu-nala. Memia bia ambiziuns san denton era destabilisar ina grappa. Finamira dils treis onns en quei team eis ei d'esser ha-bels da formar ina grappa equilibrada en tuts aspects. Giez sa esser decisiv per ina grappa d'expediziun. Il gagliard Engles Edward Whimper, cun bab e fegl Taug-walder, igl onn 1865 al Matterhorn, ei buca gl'exempel da Julian Cavigelli e ses cumpogns.